

ARETXABALETAKO UDALA

ARETXABALETAKO UDALERRIAN EUSKARA SUSTATZEKO JARDUERETARAKO DIRULAGUNTZAK EMATEKO DEIALDIA.

1. XEDEA.

Deialdi honen xedea da 2012. urtean Aretxabaletako udalerrian Euskara sustatzeko jardueretarako diru-laguntzak emateko baldintzak arautzea.

2. ONURADUNAK.

Deialdi honen bidez arautzen diren diru-laguntzak ondorengo hauek jaso ahal izango dituzte:

- Aretxabaletako udalerrian erroldaturik dauden pertsona fisikoek, euskara ikasteko eta Euskaraz edo Euskararen Normalizazioarekin zerikusia duten ikastaroei dagokienez.

- Helbide fiskala Aretxabaletan daukaten pertsona fisiko edo juridikoek, baita bere jarduera ekonomikoa Aretxabaletako udalerrian dauden lokaletan egiten dutenek ere, errotulua, irudi korporatiboa, tresna informatikoak eta web orria euskaraz jartzeari dagokienez.

Diru-laguntza hauen aplikazio eremutik kanpo geratuko dira:

a) Helburua euskara normalizatzea duten entitateak, hau da, euskara elkarteak, euskaltegiak, ikastolak... eta entitate publikoak.

b) Enpresa handiak eta 50 langiletik gorako entitateak

c) Aurreko hizkian aipatzen diren enpresa edo entitatekoak diren enpresak, haien kapital soziala %50etik gorakoa denean.

- Duten jarduera deialdi honetako helburuekin bat etorri eta herrian eragina duten, irabazi asmorik gabeko entitateek nahiz eta egoitza Aretxabaletan ez izan

3. DIRU LAGUNTZA JASO DEZAKETEN JARDUERAK.

- UEUK eskainitako ikastaroak
- EHU-UPVk eskainitako ikastaroak, beti ere euskararekin eta euskararen normalizazioarekin zerikusia dutenean.
- HIK HASik antolatzen dituen ikastaroak
- Beste erakunde batzuek antolatzen dituzten ikastaroak, beti ere euskararekin eta euskararen normalizazioarekin zerikusia dutenean.
- Aretxabaletako Udal Euskaltegian izena eman eta talderik osatu ez delako inguruetako beste euskaltegi batean egindako ikastaroak.
- Urtean zehar egin daitezkeen barnetegiak edota ikastaro trinkoak.
- Errotuluak euskaraz, edo euskaraz eta erdaraz jartzea.
- Irudi korporatiboa, euskaraz edo euskaraz eta erdaraz jartzea.
- Web orria edo bloga euskaraz edo euskaraz eta erdaraz jartzea.
- Tresneria informatikoa euskaraz jartzea.

4. BETE BEHARREKO BALDINTZAK.

Diru laguntza jasotzeko, baldintza hauek bete behar dira:

Euskara ikasteko eta Euskaraz edo Euskararen Normalizazioarekin zerikusia duten ikastaroei dagokienez

a) Aretxabaletan erroldaturik egotea, gutxienez ikastaroa egin bitartean.

b) Aretxabaletako udal euskaltegian izena ematea (Euskara Ikasteko ikastaroei dagokienez) eta talderik ez dagoelako beste euskaltegiren batera joan behar izatea.

c) Dirulaguntza lortzeko, gutxienez %90eko asistentzia izatea ikasleak ohiko ikastaroetan eta %100 gainontzeko ikastaroetan, edozein izanda ere ikastaro antolatzailea.

d) Barnetegietarako eta beste erakunde batzuek antolatu eta euskararen normalizazioarekin zerikusia duten ikastaroetarako diru laguntza lortzeko ikaslea edo langabetua izatea.

e) Euskalduntze alfabetatzearekin zerikusia duten ikastaroek salbu, gainontzeko guztiek euskararekin edo euskararen normalizazioarekin zerikusia izatea.

Errotulua, irudi korporatiboa, tresna informatikoak eta bloga/web orria euskaraz jartzeari dagokionez.

- Edozein kasutan eta kasu guztietarako:

a) Testua zuzen egongo da idatzita euskaraz; horretarako aurrez euskara-zerbitzuak gainbegiratzea gomendatzen da.

b) Diru-laguntza jaso behar duen ekintza 2012an egindakoa izango da.

- Errotuluen eta irudi korporatiboaren kasuetan:

a) Errotuluko testua izen berezia bakarrik bada ez da emango diru-laguntzarik. Errotuluak jardueraren berri eman beharko du diru-laguntza jaso ahal izateko.

b) Testua euskaraz bakarrik edo euskaraz eta gaztelaniaz izatea. Testua euskaraz eta gaztelaniaz bada, euskarari eman behar zaio lehentasuna.

c) Establezimendu berrien errotuluentzat nahiz berri diren errotuluentzat eska daiteke diru-laguntza.

d) Errotulua jartzeko udal-baimena jaso beharko da aurrez.

- Web gune eta blogen kasuetan:

a) Aretxabaletan izatea helbide fiskala.

b) Web gunea edo bloga euskaraz bakarrik edota euskaraz eta beste hizkuntza batean/batzuetan edukitzea. Hainbat hizkuntzatan dagoenean, euskarazko testuaren portzentajea gainerako hizkuntzen antzekoa izango da, behintzat.

- Tresna informatikoen kasuetan:

a) Aretxabaletan izatea helbide fiskala.

b) Tresna informatikoa (Ordenagailu edo kobratzeko makina) euskaraz bakarrik edota euskaraz eta beste hizkuntza batean/batzuetan edukitzea. Hainbat hizkuntzatan dagoenean, euskarazko testuaren portzentajea gainerako hizkuntzen antzekoa izango da, behintzat.

5. ESKABIDEAK ETA AURKEZTU BEHARREKO AGIRIAK.

Euskara ikasteko eta Euskaraz edo Euskararen Normalizazioarekin zerikusia duten ikastaroek dagokienez

Eskabide ereduarekin batera (I. Eranskina), agiri hauek aurkeztu behar ditu eskatzaileak:

a) Matrikularen ordainagiria.

b) Edozein kasutan ikastaroaren Erakunde antolatzailearen agiria, eskatzailearen asistentzia (%tan) adieraziz.

d) Barnetegiaren eta euskararen normalizazioarekin zerikusia duten ikastaroak antolatzen dituzten erakundearen kasuan, ikasle agiria edo INEMek emandako langabetu agiria.

Errotulua, irudi korporatiboa, tresna informatikoak eta bloga/web orria euskaraz jartzeari dagokionez.

Eskabide ereduarekin batera (I. Eranskina), agiri hauek aurkeztu behar ditu eskatzaileak:

- Edozein kasutan eta kasu guztietan:

a) Egindako gastuen jatorrizko fakturak.

- Errotuluen kasuetan:

a) Errotuluaren izena jasotzen duen agiria edo argazkia.

b) Udalak emandako hirigintza lizentzia.

- Irudi korporatiboaren kasuetan:

a) Entitateak egin edo berritutako elementu bakoitzaren ale bat.

- Web gune eta blogen kasuetan:

a) Web gune edo blogaren helbidea.

- Tresna informatikoen kasuetan:

a) Tresna informatikoa jarri den establezimenduaren edo elkartearen izena eta helbidea, eta tresnak ematen duen agiri baten ale bat.

Nahiz eta egoitza Aretxabaletan ez izan, beren jarduera deialdi honetako helburuekin bat etorri eta herrian eragina duten, irabazi asmorik gabeko entitateek

Eskabide ereduarekin batera (I. Eranskina), agiri hauek aurkeztu behar ditu eskatzaileak:

a) 2012 urtean zehar aurrera eramango duen proiektua.

- Edozein kasutan eta kasu guztietan:

Foru Ogasunarekiko zerga betebeharrak, Gizarte Segurantzarekikoak eta Udalarekikoak betetzen dituztela egiaztatzen duten agiriak.

6. ESKABIDEAK AURKEZTEKO EPEA

Eskabideak aurkeztu ahal izango dira, egindako ikastaroa bukatu eta hurrengo hiru hilabetetan (ikastaroei dagokienez) gainontzeko kasuetan 2012 urtean zehar. Nolanahi ere, errotulua, irudi korporatiboa, web orria edo bloga eta tresna informatikoen kasuan, eskaria ezer egin aurretik egitea komeni da, testua hizkuntzaren aldetik zuzena dela ziurtatzeko.

7. AURKEZTUTAKO ESKABIDEKO AKATSAK ZUZENTZEA

Euskara zerbitzuak aurkeztutako eskabidean akats edo okerren bat ikusten badu, eskatzaileari adierazi egingo dio, eta HAMAR (10) eguneko epea emango dio okerrak zuzentzeko. Epe hori agortutakoan zuzentzen ez badu, eskatzaileak berak eskaeran atzera egin duela ulertuko da, Herri Administrazioaren Araubide Juridikoaren eta Administrazio Prozedura Erkidearen azaroaren 26ko 30/1992 Legearen 71.1 artikulua araberak.

8. IZAPIDETZEAZ ARDURATZEN DEN DEPARTAMENTUA

Euskara zerbitzuak izapidetuko ditu eskabideak eta Tokiko Gobernu Batzarrean erabakiko dira.

9. ESKABIDEAK BALORATZEKO IRIZPIDEAK.

Eman beharreko diru laguntzak kalkulatzeko, kontuan hartuko dira irizpide hauek:

A) Ikastaroak

1. Ohiko ikastaroak.

Ikasleak ordaindutako matrikula prezioaren %80 izango da bekaren zenbatekoa.

2. Barnetegiak eta ikastaro trinkoak.

Barnetegiko ikastaroen eta ikastaro trinkoen kasuan, matrikularen %70a izango da bekaren zenbatekoa.

3. Gainontzeko ikastaroetarako, Udalak hala iritziz gero, beste irizpide batzuk erabili ahal izango ditu, bekaren zenbatekoa erabakitzeko, ikasleak egindako ikastaroaren ezaugarriak kontuan izanik; edozein kasutan ere ikastaroaren kostuaren %70a izango da bekaren zenbatekoa (egoitza eta otorduak ez daude barne)

B) Paisaia linguistikoa, blog, web eta tresneria informatikoak

Eman beharreko diru-laguntzak kalkulatzeko, irizpide hauek hartuko dira kontuan:

1. Errotuluen kasuan

- a) Errotulua euskaraz bakarrik doanean, kostuaren %80 izango da diru-laguntza, eta gehienez ere 180 €.
- b) Errotulua euskaraz eta gaztelaniaz doanean, kostuaren %40 izango da diru-laguntza, eta gehienez ere 90 €. Edozelan ere, kokalekuan, neurrian edota intentsitatean lehentasuna izan beharko du euskarazko testuak.

2. Irudi korporatiboaren kasuan.

2.1. Kontzeptua:

Programa honetan aurreikusten diren diru-laguntzak aplikatzeko, irudi korporatiboaren elementutzat joko ditu Udalak:

- a) Gutun-azalak
- b) Orri idazpurudunak.
- c) Bisita txartelak.
- d) Kartak eta menuak.
- e) Entitatea identifikatzeko zigilua.
- f) Albarana, fakturak...
- g) Ibilgailuak errotulatzea.

2.2 Zenbatekoa:

- a) Irudi korporatiboa euskaraz bakarrik doanean, kostuaren %80 izango da diru-laguntza, eta gehienez ere 120 €-ko diru-laguntza izango du.
- b) Irudi korporatiboa euskaraz eta gaztelaniaz doanean, diru-laguntza izango da kostuaren %40, eta gehienez ere 60 €-ko diru-laguntza izango du.

3. Web gune, blog eta tresna informatikoen kasuetan

- a) Web orria edo bloga euskaraz bakarrik eginez gero, kostuaren %50 izango da diru-laguntza, eta gehienez ere 450 €-ko diru-laguntza izango du. Tresna informatikoa euskara hutsean jartzen duenak kostuaren %50a izango du eta gehienez ere 800 €
- b) Web orria edo bloga euskaraz eta gaztelaniaz eginez gero, edota euskaraz eta beste hizkuntza batean kostuaren %30 izango da diru-laguntza, eta gehienez ere 280 €-ko diru-laguntza izango du. Tresna informatikoa euskaraz edo euskaraz eta beste hizkuntza batean jartzen duenak kostuaren %30eko diru-laguntza izango du eta gehienez ere 500€.

C) Deialdiaren helburuekin bat egiten duten, herrian eragina duten irabazi asmorik gabeko entitateek

Eman beharreko diru-laguntzak kalkulatzeko, irizpide hauek hartuko dira kontuan:

- a) Proposatutako egitarauaren ezaugarriak, alderdi hauek kontuan hartuta:

- a.1. Garatzen den arloari egitarauak egiten dion ekarpena
- a.2. Eskatzaileak proposatutakoan antzeko jarduerarik ez izatea
- a.3. Garatuko den egitarauak zenbat herritarri eragiten dion, haren giza proiektzioa, beste entitate, hiritar eta kultura eragile batzuen inplikazio maila.
- a.4. Proposatutako egitarauaren ibilbidea eta errotzea

- b) Entitate eskatzailearen ezaugarriak, alderdi hauek kontuan hartuta:

- b.1. Entitate eskatzailearen ibilbidea.

- b.2. Entitate eskatzailearen jarraitasuna eta egonkortasuna
- b.3. Udalaren ekimenetan parte hartzaile izatea
- b.4. Antzeko entitaterik ez egotea.
- b.5. Entitate eskatzailearen eta bere giza taldeen dedikazioa.

c) Entitatearen finantza baliabideak; bere baliabideen, beste diru-laguntzen eta aurkeztutako gastuen aurrekontuaren arteko proportzionaltasuna

10. AURREKONTUA.

Deialdi honen bidez deitutako diru laguntzen zenbatekoa 3.850€koa da eta ondorengo aurrekontu partidatik bideratuko dira: "Euskara Diru-laguntzak: 1.0205.481.455.10.01.2012."

11. BESTE DIRULAGUNTZA BATZUEKIKO BATERAGARRITASUNA.

Deialdi honen bidez araututako diru-laguntzak ez dira bateraezinak izango helburu bera izan eta aurrekontu publikoen kargura eman daitezkeen beste diru-laguntza batzuekin, beti ere gain-finantzaketarik ematen ez bada.

Hori horrela Zinpeko Aitorpena aurkeztu beharko dute interesatuek, bestelako administrazioei eta erakunde publiko edo pribatuei egindako diru laguntza eskaeren zein jadanik emandako diru-laguntzei buruzkoa (II Eranskina).

12. DIRULAGUNTZAK JUSTIFIKATZEA ETA ONURADUNEN BETEBEHARRAK

Deialdi honetako 5. artikuluan eskatzen diren agirien bidez justifikatuko dira diru laguntzak; diru laguntza eskabidearekin batera aurkeztu beharreko agiriak dira.

13. ORDAINTZEKO ERA ETA EPEAK

Diru laguntza emango da ordainketa bakar baten bidez, justifikatu eta gero, behin diru laguntza ematea erabaki eta HILABETeko epean.

Epe barruan eskabideak aurkezteko interesa duten guztiek, baldin eta deialdi honetan eskatutakoa betetzen dutela egiaztatzen badute, dagozkien diru laguntzak eskuratu ahal izango dituzte, aurrekontuetako baliabideak agortzen ez diren bitartean.

14. BALDINTZAK EZ BETETZEA

Baldin eta onuradunak deialdi honetan ezarritako baldintzaren bat betetzen ez badu, Aretxabaletako Udalari itzuli beharko dio dagokion diru-kopurua.

Hori guztia ez da eragozpen izango ezar daitezkeen administrazio-zuzenbideko zigorrak ezartzeko, ez eta eskatzekoak izan daitezkeen kalte-ordainak eskatzeko ere. Dagozkien Legezko ondorioei begira, zenbateko horiek diru-sarrera publikotzat joko dira.

15. KLAUSULA GEHIGARRIA

Deialdi honetan jasotzen ez diren gai guztiei, Diru laguntzei buruzko Udal Ordenantza eta 38/2003 Diru laguntzen Lege Orokorrean eta bat datozen gainontzeko lege arauetan ezarritakoari atxikiko zaio.

Deialdi hau onartzen duen erabakiaren aurka, behin betikoa dena administrazio bidean, Berraztertzeko helegitea jarri ahal izango da, Aukerabideko izaeraz, administrazioarekiko auzi errekurtsua baino lehen, hilabeteko epean, edo zuzenean administrazioarekiko auzi errekurtsua, Donostiako Administrazioarekiko Auzi Epaitegian, deialdia Gipuzkoako Aldizkari Ofizialean argitaratu eta hurrengo egunetik hasita, bi hilabeteko epean.

Aretxabaletan, 2012ko apirilaren 26a. Ana Bolinaga Uribarren, ALKATEA.